



對山集卷之六

七言律詩

送張惟賢姚安太守無問訊良卿宗兄

三十年前自識君，通家兩世浥餘芬。  
君行滇水路非遠，我望西山晝已曛。  
離席陽關休更唱，汗青循吏早應聞。  
姚安爲報思歸者，不必長歌日暮雲。

寄宗文

憶昔聯鑣趣紫宸，月寒鳩鵲有三春。  
風雲偶足簪纓數，閒散同歸萋菲身。  
在我豈能當益友，於君今更屬天親。  
終期努力詢斯世，眼底雌黃何足論。

喜劉郎見過

仲春一見今復秋君行猶欲到河州白魚拂浪有時  
了紅葉侵堦無日休嗟予狂飲近方劇奈爾歸期更  
百憂弘羊卜式非才子鼠竊狐奔絕不羞

寄李承裕二首

諸葛辛勤無了日三邊凋弊欲何之頃聞洗滌皆殊  
昔頗謂驍騰或在茲社稷有靈終伏虜英雄當事必  
匡時金勝玉積雖人意婦織夫耕獨我思  
三春數枉故人書去後虛無報德踈幸有輜車堪問  
訊誰能感事不躊躇西亭素壁愁經眼此日安危切

跋予待得昇平十年後東岡休負草堂居

寄李孟弼

憶昔交遊子最親如今蕭瑟有誰鄰尺書未盡腸千  
折一別那堪歲十春用舍豈關豪傑事雌黃何必小  
兒嗔卽看皓齒清歌者可是金閨玉署人

獨坐

粹里逍遙又一年風光何處不堪憐鳴禽應谷聲逾  
碎露菊侵堦影自圓無病有時看碧水多情終日卧  
蒼煙斜陽牧笛從吾意漉酒呼隣興渺然

秋意

此日秋風絕可人年時炎瘴尚傷神且看曉色清如  
洗轉覺寒光翠欲顛松下有時雙鶴舞溪邊無數白  
鷗馴便須酌酒酬心事莫謾支吾愧此辰

聞王大敬夫將至喜而有作

城頭日落雲氣開偶聞故人騎馬來論心酌酒還今  
夕漫興看山定幾回身事悠悠兩如此岐路茫茫何  
必哀我已長歌太白峽歎爾經邦濟世才

行次渭原里遇雨

日中行次渭原里細雨斜風故故來幸未全迷太白  
峽何愁不吟空翠臺舟人蕩槳順流急估客衝泥怯

淖迥咫尺終南休造次魚龍窟穴莫深猜

九日晡聞禹學將至喜而有作

故人遠自山東至野老歡開堂上尊便擬通宵同劇  
飲何妨倚坐出高論休嗟胡馬克邊塞且看番兵劫  
近村眼底紛紛豺虎亂思君不見欲消魂

逢歡却論公家事此意蕭條欲語稀五世尚能酬博  
浪此生何敢忘彫惟英雄屈指惟公是豪爽於人似  
我非明日欲行行更好邊夫無數望旌旂

答蔡承之見贈之作

故人清晨來叩廬野人尚作深巖居握手掃地坐相

語憶昔交遊俱不如情真喚婦饌鷄黍道厚撫躬慚  
緒餘多病尋常少筋力感慨直欲凌空虛

十六夜有雲翳薄月尋復開霽

昨日見月賞不及今夜月來雲亦開已促新詞翻楚  
調却疑清影落陽臺水輪果愜詩人意玉杯當酬白  
雪才新病欲瘳仍諱飲不勝高興謾合杯

送劉伯正中式西歸

抱藝栖遲二十年關西豪傑未能先高才豈老龍蛇  
窟健翮今逢鷓鴣天側席早紆明主意看花誰羨孟  
生篇河山正氣渾蕭瑟前輩風流冀爾傳

過太微旅舍作

客裡相過不厭頻西家沽酒亦宜唇和風但使層冰  
盡明月還能巧趁人多病已聞收藥裹閑愁那許入  
芳春從來富貴非吾事爾後林巒共汝身

龍潭對月

東谷王子號愛山亦壽王號

使君鼓吹靜無諱水部風流更可誇邀月未傾東谷  
酒隔岩先放愛山花龍宮自與清輝接寶殿深愁落  
影遞相對獨憐相賞後峯陰遙下野人家

玉女洞

當年鶴背誰同去此洞空留玉女名勝迹我來徒極

目高峯雲去正含情千秋不改龍潭色午夜猶聞玉  
佩聲惆悵夕陽歸去晚滿溪春浪鬱琮琤

從仙遊行入黑水谷五里草房凹作

谷口尋源入漸深回巒相接晝陰陰嶼禽掠水應愁  
下野鶴穿雲太不禁暝接草房烟漠漠樹當岩岫綠  
森森重遊始得名山趣老去翻慚少日心

華州張子梅花亭小酌

梅花亭上午陰涼芍藥欄邊春晝長霧鬢雲鬟何處  
女羅衣金鈿坐來香嬌歌欲遣行雲住妙舞空疑乳  
燕狂咲殺西溪能愛客滿缸常釀鬱金漿

羸馬東趨少華山小亭低構口雲間茗溪日上人猶  
醉碧樹鶯啼鳥自閑漫興詩成天欲曙杜遊心老鬢  
仍斑東峯聞有盃臨客渺渺仙蹤若可攀

寄東三希稷

聞君習靜寧山寺烟樹迷家何處尋我欲題詩相問  
訊媿無羽翰愜登臨三冬不負雲霄意一捷應酬鷗  
鷺心已見斗邊橫紫氣坐聽天上降臚音

答太微病中見懷之作

華嶽逶迤余眺深少陵吟弄爾何心芳春臥病任相  
謂赤口惱人誰復禁刀圭未就故偃蹇賢哲違時空

陸沉落花飛絮幾能對徒使夢魂遊北林

留別太微

養生無扶病經旬藥裡緣君更有身明日西歸休恨別他時相見却驚人嵇康徒作形神論魏野終非翰墨臣早晚南山雲氣發請君天際望綸巾

送馬公濟

此日西堂感汝來前年曾憶入金臺相逢不醉有何事痴癡得君當見裁隴右幾人堪屈指寰中多難必殊才春風躍馬休乘興早向龍荒靖虎豺

送張汝賢

山居久謝風雲使今日西堂爲子開三百同年誰更好八千滇水幾時來循良作郡紆民力落魄逢人愛酒杯青鏡霜髭吾亦老驪歌汀柳不勝哀

江頭

江頭橫槩任群兇過臘經春未息蹤祇以官輸相逼迫豈能比屋自從容尚憂巴蜀仍多事莫倚秦雍足利鋒聞道軍衙更節鎮東方黎庶益洶洶

答用昭德光

年來唯與白鷗群春暮誰知兩見君幸有青尊漬縱飲况當明月更論文山房迤邐濃花發草閣迂迴野

徑分長句短吟俱大雅朱輪華轂正浮雲

悼于鵬亡妻

素心不逐彩雲飛香夢空將翠簾遠白紵定裁天上  
曲青鸞應伴月中歸此時洛賦悲羅襪何日湘絃拂  
蕙帟荒草孤墳埋玉處夕陽西望苦依依

雨中東王二拱之

暑天不雨秋天雨禾黍纒蘇生意傷百室嗷嗷爨薪  
絕千壑洶洶波濤狂龍師自欲乘雲氣直宰何時見  
日光問訊西臺王給事可能蕭散賦滄浪  
積雨已增居者憂客心當此其為愁中宵滴瀝何須



妓可暫偷閑駐小車指點杯盤無別饌坐談筐篋有  
農書雙顴豁磊衣衫古爾雅安閑我不如

過渭川草堂

渭川草堂清渭濱無數好花開暮春小牕不受風雨  
逼爛醉豈憂兒女嗔數椽自可藉踈豁百畝誰曾辭  
賤貧馮君分我萬竿竹令我因以東卜鄰

看山小堂同聶別駕東之小集

去年首夏及君歡今日春深興未闌瀟洒自宜稱吏  
隱奔馳何必戴儒冠詩篇老去因情得花鳥新來隱  
霧看多少舊遊俱不見相逢一笑白來難

薦福寺答隆吉汝公孟獨三君子宴集

東歸暫宿支公舍感汝翩然問我來小坐杯盤隨意  
出祇林風物爲予開彈碁久滯三君興欲賦深慚兩  
謝才寶塔憑君凌絕頂試將空閣望蓬萊

薦福寺將發值歌湖太微二子來餞

禪堂晨起惜清幽野客西歸興不休兩妙過予應恨  
別隔年同此足消憂林花掩映香室落旭景霏微寶  
殿浮自古城南名勝地何時極意追遊

駝峯絕頂眺望在岐山

駝峯孤眺鬱差我自覺西來樂事多千折咲看洪水

細雙巖不見白雲過周公禮樂空遺廟謝傳風流有  
浩歌太白南瞻真咫尺關中佳氣近如何

第一關次聯句韻上邃菴先生

拂曙披雲到此關喜隨綦履望名山芙蓉半出青天  
外沆瀣中分白石間定有神功扶帝力豈須靈藥  
駐衰顏攀藟未覺尋行倦細和新詩及暮還

望希夷峽

名山佳氣鬱嵯峨望裏風烟暗薜蘿萬疊春開青錦  
障一淙晴下白雲窩空將尸解傳茫昧自覺天工厭  
琢磨夫子若無驢背咲陳橋誰識大風詞

華州臥病贈東四侍御二首

功成莫羨五湖遊，河華山川已自優。但使孤懷無染着，不妨薄俗笑淹留。相如苦被文園病，子晉今開笙鶴樓。三徑月移花影下，歌聲猶伴彩雲流。

小屋粧成貯越娃，風流那許外人誇。要將底事歸風馬，故採新聲托歲華。白社追遊東谷在，玉月春尊俎北山賒。明朝更欲西歸去，握手相看及暮加。

夜抵鄂縣

城頭擊柝已深更，烏鵲不飛河漢明。人曰有礙意草草，空室無那蟲薨薨。即官愛客意徒厚，且老見兒歡。

自生碧山學士擁燈至握手相談鷄亂鳴

趙使君後堂同東谷太微太華諸君子集

使君愛客宴閒堂，客醉歌狂殊未央。自以咲言偕四俊，虛疑時序到重陽。炎天過雨先銷暑，美酒當筵豈論觴。旦日東征更踈濶，贈予何惜遠遊章。群公相見亦憂時，事勢推移却未知。豈有明明王崇侈，好總緣中使辱恩。私典刑具在公平，法臺請不何勞激。烈辭掎塵漫思忠，獻議英雄當事蓋如斯。

長安早發懷歌湖

既至長安不見君，風流徒頌沈休文。誰知兒女事粗

了復有艱虞乘所聞酷暑未憂中道熱涼陰空望北  
山雲可能公子開涓滴謾醉東池到夕曛

荅希宋侍御雨中見懷

空堂雷雨送微寒愛汝脩脩竹萬竿安得似雲霄乘羽  
翼一過臺榭重游觀園英帶濕皆凝碧極目柿須秋始  
放丹我已炎蒸愁作客君應迤邐卜新歡

樓觀二首

仙家樓觀俯層岑春色逶迤萬木陰檻外歌聲初迤  
邐寰中人事幾銷沉誰將玉醴傳金碗欲浮生憇  
此林本是無心名利客悔教髮華到如今

危樓迥對一峯孤哀壑平連萬頃蕪摩詰畫圖空  
映伯陽道德豈虛無方西澗谷漢馳道直北河山周  
故都風土不殊人事異誰將縣缺問司徒

九日同東侍御閣華州支倅於石橋郵亭集

九日西歸興欲飛黃花着眼尚依稀何須載酒臨沮  
水始是登高賦翠微落帽風流慚孟史挿萸詞翰咲  
玄暉請看握手同歡處北鴈南鴻喜莫違  
年時載酒泝東遊喜對天親樂事優此日書空愁裡  
過却因佳節壯心休孤雲不染蒹葭水芳草還思鸚  
鵡洲老景蕭條唯涕淚非干宋玉欲悲秋

郭侍御於移山潭宴王侍御同東侍御集

龍池面面逐山開乘興張筵列翠臺魚艇杏隨青靄  
去靈波巧趁暖風迴虛將倒景尋幽磴謾倚微醺坐  
石苔燈火不妨深夜下唱酬今見郢中才

靈寶渡河峇餞送諸公

諸公愛我意無盡送我河梁春未深桃花半拆柳垂  
綠蒼巘乍晴鶯美音<sub>賦</sub>人本性在山水節物何心思  
詠吟後會定於小春且此誰擬畫圖開竹林

二十一日與三六二小集

二十年前曾賴君病軀<sub>秋</sub>思不堪云何當一別看俱

老再涉多虞事豈聞<sub>瑞</sub>得酒西堂歌舊曲藍輿東泝坐  
微醺明朝我欲華山中云渭水迢迢接暮雲

聞羨陂有人鋪<sub>粉</sub>服食

君家仙骨本天成復台<sub>四</sub>丹臺鍊石央媿我未聞黃液  
論嗟君已伴白雲行<sub>石</sub>山自與蓬萊近朽質終如草  
木榮從此願隨雞犬土<sub>公</sub>絕勝滄海問方平

贈李際亨

君是吾家骨肉親裔同曾室太夫人雲仍又見傳家  
慶嗣續欣能托汝身微省才名誇昨日上林佳氣待  
新春丁寧寄語尊翁道洛全<sub>良</sub>從今賞更新

二十一日盜樊紳攻乾州太守趙公以射退  
之喜而有作

孽子攻城氣已驕使君節制獨逍遙敢言大郡無戎  
馬那識明威速電颯入鬣釜魚終自爛侵堦燭火詎  
難消十年早擬涇川事自是群公惜動搖

兩中獨坐邀南川過東堂小酌

此雨霏霏似去年西疇平望水如川靈堂徹夜簷花  
瀑霄漢何時桂影懸已屬琴樽同繾綣好拚詩賦共  
留連朝來更有新成曲請過東堂被管絃

贈上玉北上入選

三十年來伐木情文章空自有時名同懷舉世羞王  
子服義誰人似鮑生風雪灞橋瑤市遠塵沙梁苑宦  
情輕男兒忠孝須盡近日蒸黎憶老成

除夜

歲暮開樽對竹扉煖風吹座亦微微却看稚子婆娑  
態不用帚娘孀娜衣海上靈丹消息近天涯朋輩信  
音稀獨憐彭麓山陰叟濁酒酣歌興不違

送王興平還登封

四載關西一日行丈夫爭肯滯冠纓名山為喜英雄  
客佳興堪隨鷗鷺盟囊裏詩篇歸更有人間功罰義

方明看君骨似旌陽叟仙藉當添玉始平  
君才清絕世誰知豈獨書懷幾字詩嫉惡直教群枉  
泣發奸寧忌相公疑要將小邑存周禮故惜長江著  
漏卮位極三公亦須去歎君心事不曾移

十四日渭源道中憶北山

初度年年在汝家今年車馬滯天涯那知渭北風兼  
雨已負樽前人似花清酒且同蘇季酌好詩誰向老  
夫誇西瞻恨不生雙翼何日相將醉月華

別唐虞佐

關輔相逢忽五年抗顏臺席羨君賢綱常獨切斯文

寄光範爭同北斗懸使節東移春正永高驂西去意  
空傳民窮吏隱須心力尚欲重來靖漢邊

送王郎中還三河

二十年餘始見君人生聚散即浮雲知君已結烟霞  
侶咲我方同麋鹿群海上無勞尋秘訣囊中先自有  
靈文長亭且盡尊前酒笙鶴還期月下聞

寄幸菴

不見彭翁今十年北風南鴈意悽然勸庸促似邯鄲  
夢嘯傲何如王屋天有約幾時遊五嶽無憂終日醉  
三川墳麓處處知行樂雜紀丹丘乘興編

寄壽李南庄尚書

二十年來間別深白雲空壑太行陰銀臺誰識尚書  
履汾曲今成翰墨林此日三陽開壽節何待尊酒並  
閒吟温公洛社流傳遠不及南庄笙鶴音

庄上獨坐有作

山中結屋俯崖陰種樹栽花旋作林豈有佳遊供客  
興但將芳草豁吾襟篇章未領宣城訣雲雨都非洛  
浦心百斛黃粳一盃酒微醺終日坐長吟

三月初九日過許西看牡丹

今日許西開牡丹堆堆兒漉酒坐相看穠花自識春風

好接葉休為夜雨殘深夜紫泥巢翡翠層樓朱檻宿  
鴉鸞衰容任遣韶華逼幽抱常教酩酊寬

年年高宴賞花天明日花開賞更偏昆弟總能吟五  
字兒童不必報三鱣承顏幸有步兵叔行樂何須盧  
女絃已促行厨烹玉鯉好隨佳節醉瓊筵

西園眺望

五月不來溪上游溪雲猶自伴溪流雖非給事茱萸  
泝絕勝即官鸚鵡洲半頃稻花迷浴鷺萬株垂柳報  
新秋何當更挈同心者小酌微吟盡自留

初八日候諸公不至同岐東南川於許西賞



花各賦七言律二首

佳辰每作看花燕老去風流亦可憐  
草閣於吾非漫興花谿同汝試  
鳴絃紅英且莫交春暮綠醅還期醉  
月邊千古豪華誰更在請將青鏡問流年

卜築於茲三十春年來忙似宦遊人  
羞將白髮隨兒戲且向青山著此  
些牙海內賓朋消息斷林間風月酒  
盃新長吟何必如張翰短酌從他笑李紳

沂東宴集值風雷大作

遲日濃陰嬾嬾風迴谿花柳老  
無龍從彈棊未畢群公興匝地  
驚開落照紅萬壑陰陰雷送雨  
雙厓隱隱鶴

鳴空凭欄自欲生吟思一曠烟雲更不窮

彭麓山房答太微見候

君從二曲城西去我向雙厓月下歸  
夕日烟雲迷遠寺晴天花柳暗春  
扉嬌鶯過巘娟始語乳燕衝波故  
故飛對景相思期痛飲馮君莫自惜羅衣

奉天逢錦夫望之汝公三君子

諸君並是風流客殢酒微歌我不如  
十載飄零渾一夢百年問訊祇雙魚  
詩篇尚憶同趨省組綬空憐共直廬  
白髮青袍吾獨老媿從楊子問潛虛

中秋作

十年不見中秋月此夜清光倍可憐  
便擬開樽折爛醉何須徙倚待高天  
符兒解字仍志小賦箇老聞歌更  
促絃百歲韶華過已半肯教虛對  
出欄邊

十月五日作

一放丘園二十年年來筋力益非  
別敢須學士敷陳疏復廁天官  
俊又篇嘯傲已緣多病易文章爭  
擬萬人傳方將服食求生事此意  
遙聞倍赧然

山中見月

深春忽見見崦西月自喜開簾  
遲月光便簸山影成小酌何須  
瑤瑟奏帝娘長空且喜澄新霽  
芳草那堪送

晚香醉臥空齋天欲旦掀髯猶似詠滄浪

郁縣羅丞聞予在湯泉躍馬見訪詩以酬之

聞君習靜求山縣却愛山翁遠問予  
山水有奇君信否風雲多態我何如  
閒居莫著潛夫論齋坐宜看老子書  
右道齊生是虛語武陵爭得見秦餘

此日

此日山居幽與深  
竭來終日對芳林  
非關微詔踈長孺  
自是襄陽愛苦吟  
雨霽晚川烟漠漠  
月明春塢翠陰陰  
相將幸有柴桑  
巾漫興何須焦尾琴

遲用之東歸

君今習靜返山城  
咲殺人間浮薄名  
昨向省堂聞客語  
因於邸報羨君情  
平生不染林和靖  
舉世難容禰正平  
寄與僕夫歸莫欺  
新詩先訂白頭盟

寄蔡承之

十年不見蔡中郎  
空辱音書寄草堂  
累幅總憂嗣續事  
百年那慰別離腸  
還丹有訣無心鍊  
近事多虞祗自傷  
何日同遊滄海上  
却將從事咲荒唐

答張太微

聞君臥病漸能行  
可是溪山復舊盟  
我有清尊邀北海  
誰堪佳節滯嚴城  
凭欄倚徙看星鳥  
匝座威蕤起

砌螢此際思君君不見  
煩將萬物副吾情

送徐友

君赴秦安春正初  
關山芳樹綠陰疎  
雲間鼓角迎騶馬  
竹裏旌旗引使車  
中論祗宜徐幹著  
扁舟休憶季鷹居  
郟城半載風流在  
佇看徵軺下簡書

寄縣岐山

難兄不愧西臺史  
令弟優為赤縣侯  
往日名家無杜曲  
新來文獻有開州  
中丞已上旌賢疏  
百姓空思臥轍留  
後去若逢宣室問  
先將民事報宸旒

許西道中見落花示同遊三子

不信許西春已深落紅驚見滿芳林可憐累月風兼  
雨那得携壺賞更吟此度諸君同漫興他時佳節想  
登臨夕陽似識山翁意亦射蒼原出翠岑

贈行邊使

列鎮迎 恩介胄雄赭袍遙映塞雲紅武臣敵愾餘  
虜虎 聖主憂時起臥龍天上使星臨閩外斗間紫  
氣照關中長城萬里今增重不數平淮一綫功

贈西谿

不日公車謁紫宸再聆警衆恐無因後賢怪底懷先  
進 聖主由來重直臣河嶽清秋回使節廟堂深計

在斯民遼東朔北俱凋弊詎惜驪歌 灞水濱

試筆

石室棲遲近十年老人虛擬洞中仙半生畏暑非耽  
寂老去便幽及類禪霜紋小桃猶有箇風翻細草若  
生烟襟懷落拓原無為祇愧當時抱甕賢

對山集卷之六終

對山集卷之七

五言絕句

寄伯循

關中多後人惟爾獨知名何日辭岩穴朝廷憶賈生  
 丁丑歲十月一日得伯循書將以是月見訪  
 喜而有作

我臥南牕下黃花遺好音嫩人幾時到相思勞寸心  
 菊花方爛熳柳條稍衰歇坐我白雲軒相將弄明月  
 抱靜惱客來獨喜仲容至俱是滄海人安計塵俗事  
 葡萄釀作酒復置琉璃杯共君宛轉歌一日三萬迴

帶雨入郭門暫宿道傍寺半夜雨逾急恨不向君醉

昔往

昔往何悠悠今來亦矯矯綠樹雲外多紅顏坐中老  
荅太微泚東作

此水遠彌潔此泚晴更嘉請君泚上坐看此水中霞  
君家常杜曲佳勝定無比夕陽原上來此泚亦堪喜  
泚東多楊柳枝枝弄新碧不繫即君車常拂處士席  
木末載酒來君與坐相酌聽彼幽鳥鳴君心樂不樂

題畫

長裾澹容與散步蒼松下不是鹿門人何似棲棲者

普緣道士戲太微

瀟灑張夫子風流誰可攀雪晴山更好何事欲空還  
雖有故園思其如春水生石門不臨嘯篁久殺晉孫卿  
籃輿下西坂佳勝益春容泉落蓮花泚雪去開玉女峯  
已不望君來木末見雙蓋我坐白雲洲可矣成佳會

與宗文夜坐

芳意老逾篤清談夜不眠與我若裴迪相遇藍田川

岐山道中四首

雨過萬木茂天開千嶂青迎風翻錦蝶拂霧點蜻蜓  
此日岐山道年時渭水舟輕鷗拂雪浪零露濕雲裘

想像岐陽里依稀寶籙堂臨風無一醉何以慰吾狂  
偃蹇栽修竹龍嵒立假山綠濤浮柳色芙蓉翠壓朱闌

贈湯貢之

湯玘  
開雲

閒雲既無心安能有拘束愧我山林人何時去塵俗

渡渭南望

水際孤雲合船頭細浪生青山飛白鷺綠竹轉黃鶯  
客散太微道人歸黑水西臨流麾短賦即景試新題

可惜

可惜東園花不及西村柳驟當風雨來雨令落自莫守

吳歌

儂如浦中蓮歡如蓮上露不憂朱日晞唯恐狂風妬

右曲二首寄羨陂子

少小織流黃裁為合歡被不得同君着竟如流水逝  
人生無百年常思千歲事入門同咲顏出門各分異

北山庭前竹石各賦一首

看君蒲堦竹若成千畝陰月來金瑣碎森爽似君心  
剗石為巨缸植此一峯秀依依夕陰生彷彿墜懸溜

用昭宅看牡丹

此花已盛開我猶醉君酒遙知許西曲花片大如手  
春色年年似衰容日日改寄與園中花那能不相待

我看君家花枝枝各相勝但能對花酌同是看花興

山中夜歸

日落萬山暝斷崖人不行籃輿下崇坂依約聽更敲  
山外嵐雲斷中天河漢流月明人影見珠露浥征裘  
嘲希宋出妓

筵開不出妓徘徊據空席盧六本傾心何如李太白  
聯輿過別墅接坐散瑤觴不遣清歌出空陳俎豆香

畫

三仙煉金丹丹光徹天起那知玄牝門不在爐火裏  
歸牧夕陽洲悠悠穩跨牛笑看江湖客風浪逐年愁

別公望

宵征鷄未鳴端歸畏將旦感子中夜來飲餞白雲沂  
君抱循良姿我為藟菲客相見即相知徘徊意安歇  
我向武功去煩子贈微吟知君有幽思愜予芳草心  
孫方伯青芥白芥畫

托根當芳園凌霜益屏翳清新君自知何須羨羨桂  
雜賦符園景物十首

梨園

破玉迷歸蝶分香藉綠苔曉來吟望處絕勝碧桃開  
杏塢



看君杏花塢疑在輞川南映日浮丹萼翻風墜綠絳

柿曲

未見垂朱實先看發翠螯勅霜齊楚橘和露笑園桃

李谿

不是楚苦里蒲谿縣素蕤森疎明月下遮莫許人窺

桃巷

春川百樹桃綽約開將半為問看花人可似玄都觀

林檎

已盡葉間花忽抱枝頭子酸澁君自知清香亦堪喜

葡萄架

綠苞雖未折清陰已堪想徘徊望東山依依明月上

柳浪

匝岸垂金絲翻風漾晴碧夜來南宅歸相看已盈尺

蒜陌

繩樞飯黍初慙慙入君采何事綺羅筵亦伴雕盤醢

梅杏竹

季夏苦炎蒸獨愛玉黃子稍着冰壺中蕭爽快人齒

驪山次壁間韻留寄於騰遠

思君不能見空望水西村徒載華山酒憂來獨閉門  
夜深殘月上寒爐尚餘燭安得同心人並坐理瑤瑟

少年

白馬出青門香風散京野一笑擲千金枉殺負薪者

送別

相逢復相別歎爾優游子三月過瀘州扁舟疾於駛

十月奉迎長洲叔洎諸昆賞花值雨不果

已辦花前飲花神豈避人欲將花盡發故著雨留人名花開雨後香色更堪憐明日携壺去應成六一篇

杏花亭小坐

我愛千畝杏逶迤園小亭浮雲日夕靜疊入萬峯青

柳下觀棋

塌地坐彈碁注酒每苔上水際暗香來怕是挑花漲

渡添二首

春波何清淺僅能沒馬足不似去年秋驚濤與天觸

西岸桃杏花風吹落坡上蕩漾那能還空使心惆悵

鳳麓宴集

三月鳳麓下開花疊如錦復有同懷人云何不歡飲

鳳麓符子宅面面是蓬萊留飲不成醉於予何有哉

乘輿山村遠探奇石洞深行吟紅日暮却嚮晚風侵

花飛春已老棲鳥夜猶翻月下婆娑舞溪邊笑語喧

聞笛

山居靜無寐轟轟石維瀨鳴何處夜吹笛嘹唳起悲聲  
初月照山牕清興那能歇更聞玉笛聲恍如臥雲關  
昨日滯上游今在湯泉宿如何絲竹聲又復在空谷

歸牧

赤丸匿西陸嶺上牛羊歸牧童喜牛飽笑歌來翠微

別雨山

子是金陵客何時到此州一官如曼倩千古誦風流

靜齋亭子

歲蕤北城下宜是靜齋亭小徑黃花發邀予飲醪醺  
坐此生幽思空庭無一塵主人方傲俗溼野又芳隣

六言絕句 夜與南川對月

愛此一輪秋月清輝獨射間園小酌西堂人醉槐陰

漸泊東缸

裊裊微升東海霏霏密射踈簾詩罷呼童送酒歌餘  
對客掀髯

觀岩下花柳

雲外小洲飛鷺三陰長泝宜春萬樹桃花夾水滿天  
楊柳迷人

不見耶溪朱杏即多許西王梨一帶綠波圍縣雙崖  
物色堪題

水際碧山如畫  
原頭輕靄霏烟  
錦繡平連漢苑  
繁花生勝秦川

隱勝秦川  
饒稼又將十載  
尋春已愜衰年  
何必花奴勸酒  
方同郭泰迴船

渡渭

馬家渡口浮渭烟  
波一望無涯雲外小  
舟迴棹泥中野老停車  
及岸遙遙清日登舟  
忽忽日斜水際何人樓閣  
林稍此地棲鴉

東希宋宅西亭子宴集

城市山林有此烟霞  
風月何心旣倩金陵  
起舞須邀盧五同吟  
酒醉不知日暮月來  
始信更移清興撩人  
無寐高情入夢空思

七言絕句 漫興

草堂獨坐望秋山  
山色逶迤若可攀  
窮谷希聞佳客過  
深居偏喜白雲間

葡萄拖蔓作雲棚  
首宿堆盤厭海螵  
千首新詞堪漫興  
百年身世似翻萍  
炎蒸已盡涼風來  
從此將聽過鴈哀  
節物不常人事

異憑君休羨郭生臺

濁酒今朝始入唇清歌不必更煩人座中既有金陵  
子碧椀還烹馮穴鱗

荅孫生

此曹辛苦亦堪憐擊鼓迎官歲歲然父生誰何曾見鷄  
黍征科日日歛丁錢

飲酒樂

碧椀金波窈窕歌綠雲紅日醉顏酡西風白石雙山石  
下比鴈清霜柰夜何

飲酒雖多樂亦多野花岩鳥意婆娑生小纓白馬青蓮

蓋不及谿田臥綠莎

彭麓山房漫興

數頃山田聊自供百年身計未踈慵但教酪酏空齋  
臥絕勝乘雲遊岱峯

黑水波濤萬尺懸太行玉屋詎能先從今杖屨朝朝  
坐坐看青山下紫烟

山居莫怪四無隣田父漁翁悉可親指點新谿搜異  
草安排濁酒薦金鱗

城市閒人訪隱淪烟霞羽客倒綸巾谿頭靜看蕪葭  
影世上誰如自在身

蘋花未老稻花香怪底山童盡日忙暫向壁門收藥  
墨好從籬外盪秋場

憶昨歸田十六年時時人號地行仙刀圭未若浮丘  
子曠逸今過白樂天

數椽茅屋百年身春裏何須更覓春從此當為彭麓  
主他時咲殺五陵人

即事

美酒何須玉椀盛前溪且喜白雲生相將一醉青莎  
上咲殺人間浮薄名

汝誠至

西盤新自隴西來野客相思滯上迴爛醉莫嫌紅燭

短微歌先遣白雲開

去年送子趨臨鞏今日迎君坐草堂若待黃花方漫

興也須桑落慶重陽

遼東節鉞新歸子花下風流竊醜會遣霜威澄瀚海

始知談笑靖皇圖

中丞節制故能雄隴右文章近益工難弟難兄分兩  
鎮為霖為雨失群公

寄獻吉

炎威赫赫汗如泉秦女彈箏乘曙天願逐南風作雲

兩却令涼思到君前

即事

往時說盡山居樂今日山居更百愛兒虎紛紛天色  
晦此生好處是優游

中丞卜築被人嗔何似王淵逐宇文百十良民一時  
死張譚翻作好兒軍

於許西同公順兄小酌

長柳萬株高插天晴原千尺下臨泉金杯欲遣山公  
醉翠袖先調盧女絃  
笑語依依未足親風流隨意始為真此生不作棲遲

客千載為誰江海人

扶風道中

郵亭新柳厭春陰驛路黃塵銷客心碧水蒼山予未  
晚衰容短鬢爾何侵

小店西頭鳳水波東南直接滹川河微瀾映日金蟾  
細急漲當秋濁浪多

雍原東去徹咸陽渭水西來觸太行陵谷盡歸明坂  
籍衣冠不見漢文章

岐山中道是周京豐鎬王風向此生諸侯不薄龍祭  
戲磐石難歸赤帝精

平生不抱越鄉憂，老去猶欣汗漫遊。今日盡看周故國，他時還宅海東洲。

鳳泉東是美陽城，秦后離宮跡已平。細草不知龍輦去，城邊日日喚愁生。

破屋蕭條才數家，短墻無處不飛花。平原南下蒼崖出，哀壑東迴小徑斜。

杏林東逝望隋陵，覆斗龍從隱地形。香火莫悲邑陵吏，河山空倚少微星。

秦皇不是列仙姿，漢帝空懸海上思。寶訣此林授驛吏，瑤絃何日下靈颺。

許公碑石尚參天，利斗消磨不記年。公子經綸唐第一，一鄉邦述作近誰先。

夕陽隱隱抱孤村，知是何王跡馬有龍種。自隨彤蓋去，人烟常傍廐門繁。

晴原斜日下山城，岸柳園桃喜漸生。愛弟善為靈運賦，老夫何忝少陵行。

東侍御宅小樓看山

蒼山碧樹鬱迢迢，小閣春深俯翠條。萬古河山周故國，千家歌筦漢蕭韶。

山家終日對烟霞，萬頃平林接翠華。誰把風流誇洛



社已將詞賦隘長沙

花奴玉笛彩雲歌日日凭欄樂事多不見汾陽舊時

宅豈如玉椀滄金波

連年喜作華山遊華郡看山愛此樓萬樹桃花千嶂

碧分明疑是海東洲

渭南道中

飛絮滿天花復殷平原斜日帶青山要知春色宜看

處不在濃陽密雲間

雨霽看山山更佳層崖西望靜如指天涯芳草芊芊

綠不及鶯聲感發存懷

長安郭門留別錢送諸公

古寺携壺送我行空崦冉冉午雲生烟霄不截長飛

鳥江漢誰嫌掉臂轂

華巖宅亭子宴集

芳草名花面面開山光雲氣接樓臺青春取醉非常

事綠鬢能歸是絕才

君家亭子華山隈無數奇花伴晚梅天上何方為碧

落人間即此是蓬萊

我飲君家醉不辭君才清妙幾人知欲教碧玉歌金

縷先看銀盤薦鱸絲

桔槔呶唾水如泉種藥栽花近幾年  
覽景且休誇鄭谷看詩今已逼長淵

予至華山十日林實南原收穫未歸以詩戲之

繫自東來擬望頻經旬那復見音塵南原風月應須好東閣嬋娟惱殺人

六月十五夜華巖小樓望月

徙倚危闌感慨頻月光如晝寂無塵  
掀簾便見山川好有此山川要此人

靈寶喜王汝隣見過

王生遠自河東至訪我來春到魏州  
佳興肯為風霧息壯年須作五陵遊

前年我醉王官谷今日君看魏谷花  
設使虞卿還有比不妨今日醉君家

往時亦羨襄陵酒靈寶春醅更可人  
今日青尊若辭醉穠香芳意為誰新

涇野門墻自識君便知王翰可論文  
篝燈須到晨鍾發拚醉那知夜已分

心遠亭集

我坐君家心遠亭長河直下兩山青  
有時白浪衝風

起便覺春林裊裊冥

柳浪纖纖拂翠巖蒼林隱隱接殺函開簾日日坐幽  
思何必仙人白玉崑

君心閑雅世誰知接歲相看轉見奇天子正爲西北  
計須知先靜罕開師

老境相逢志益歡不知亭上有春寒晴時盛日當行  
樂無那蒼生想謝安

別徐伯傳

二十五日居靈寶感我慇懃日日過談藝我慚徐博  
士揮毫君似費登科

清才高興幾人同草草成篇意即工好趁秋風搏勁  
翻飛鳴直入建章宮

別汝隣

我醉君家五日醒欲將塩海入一杯傾座中若遣何戡  
唱莫放陽關第四聲

示德克

城北追遊興已佳浙西行樂喜能借看他鞅掌千門  
者可有悠然三徑懷

別德敷

榆關兵馬故來強大抵都因節制防此日君行看寶

劍好為西北靖撓槍

示德克

昨日予從泝上歸滿天花柳拂征衣却思春色無多  
許好謾相將歷翠微

送徐生

遷客西歸蜀道長洞庭秋去亦徜徉那知一片蛾眉  
月密霧輕雲總不妨  
年前磬欵見君竒累日悠悠繫我思共羨重來益瀟  
洒誰知人世少男兒

二月九日同德克德一以公杏花亭集時甥于

俱在

杏花亭上見花已飛咲我看花何太遲明日征車過函  
谷歸時應有木口花枝

前年花發坐高堂前剗管繁絃動遠天今日看花朋輩  
盡啣杯吟望思心凄然

憶昔此亭初試花與君方駕水西涯醉歌花底催新  
釀坐見原頭發晚霞

兒女關心有底忙平生幽興動成妨莫教逼近茶蘼  
節春事從頭却許長

符郎婉姿忽能詩亭上慙勤壽我卮却咲陶公無緜

筆謾將梨栗誣諸兒

兩甥年少思如泉酷愛山翁賞花編若報上林花似錦杏園春色許誰先

老夫筋力漸非前別墅風光自可憐待得函關公事了年年沉醉杏花天

篆江已向蓬萊去鳳麓封丘尚未還同賞山亭不同住不知同賞是何年

二耿吳張幸不違咲予東去幾時歸定期爛醉聽黃鳥再待花香歷翠微

醉後題詩滿四墻感時乘興亦非狂年年花發年年

醉更乞天公六萬場

夢劉西陂士奇

十年不見西陂子夢與終南策杖遊何日籃輿過彭麓與君同醉象山秋

去年二月九日與德克德一二弟泊子栗過

此各賦小詩十餘首今日杏花開二弟復

至悟省舊作有待得函關公事了年年沉

醉杏花天及年年花發年年醉更乞天公

六萬場之句因次原韻再賦十首

歲歲看花花已飛花神若恨賞來遲今年坐賞花纔

發却到春風第幾枝

新來無事已堪憐春服初成二月天同醉花前不同

賦轉看金谷意蕭然

此日庭柯盡著花老夫逸興正無涯崦西莫羨千株

柳水際先看一帶霞

五十五年纔不忙清尊同汝有誰妨行歌正恐花陰

短大碗那論飲興長

謾省年時醉裡詩便須極意飲金卮幸無辛苦輸公

事却看風流在水涯

西堂新釀酒如泉還我南牕酒聖編有景便看者便

醉古今人裡讓誰先

繁絃劇管坐花前轉覺春園花可憐若把花枝對明

月紅英咲殺鏡中天

我醉君歌興灑然不知花影坐中遷須教醕酏同今

日那許蕭條似去年

繫自還京願不違柳邊花底坐忘歸新詩美酒朝朝

樂莫管春歸花亂飛

好句吟成便寫牆老來日日為春狂天公有意隨吾

好別借春遊十萬場

和岐東許西夜歸之作

泚上行吟月下歸露花涼透靜蘿衣風流一似蘇門  
盡直欠當年阮少微

觀瀾亭小酌同太微作

舟舂溪雲細欲生湔湔春浪噓還鳴觀瀾亭上微醺  
坐咲倩瓊瓊理玉箏

四月十九日宴東侍御園亭醉中走筆

亭上花陰拂院墻渠邊流水浥飛涼風流不減分司  
興笑出紅粧勸玉缸  
燕家小妓石榴裙咲酌醪酥把似君王面未從花裡  
出璽箏先向月中開

同樂園中花滿墻肯將蕭索送年芳  
徵歌不羨巴渝曲入座爭誇蘭麝香

小小亭臺面面花晴林夕日散雲霞  
有時對月掀簾坐萬里晴暉落障紗

答東侍御

日日看花日日好芳心不與花同老  
有時騎鹿華岩頭咲指桑田拾瑤草

泚東小酌

上春光濃更深泚東佳興益難禁  
天桃漫倚溪邊發酒何妨月下斟

載酒尋盟莫厭貧韶光忽已報殘春臨溪自咲凌蓬  
鬢不是年時泝上人

再過煖泉庄值雨懷仲木

雨中重飪煖泉庄仙客東歸渺渺茫却有主人能費  
酒醉時聊以慰離腸

從霽散步

白雲不礙松間月碧水仍圍石上臺可恨風流呂夫  
子尋春不遇等閑迴

許廷臣亭子觀假山

小小亭臺面面山雨餘常見白雲還那知斷壁懸崖

趣却在紅塵鬧市間

修山麓鋪呂子與蘇守設酒待予呂子出示  
所賦桃花詩因謾成八首

子坐郵亭待我來岩花故故向亭開與君拂石醉明  
月世事紛紛何有哉

誰謂峯陰春事遲晴山處處有花枝  
好不道衰翁鬢已絲

弱柳迎風太不禁天桃夾岸咲春深  
朝辭幽谷尋君至羨爾春山力獨吟

十年一見復巡迴百歲如斯豈是類  
不向郵亭飲羨



酒桃花笑殺五陵人

自別承明二十年春風三過武亭川條山更聽桃花

曲何啻華陽嶺竹篇

折取桃花插四筵紅蕤灼灼最堪憐不須徒倚明月

下只合徜徉行石邊

今日山亭亦不歡危絃如沸辭鳴湍更堪明月生東

海坐見清輝照玉盤

絕壁香來花已飛背岩雲暗濕羅衣知君習靜栖山

郡咲我尋春却釣磯

次華山韻

畫堂春暖映修篁翠袖紅裙競舉觴箇老不知行樂  
莫馬蹄終日為誰忙

華岩宅集 三首

簾外青山轉夕輝草亭歌舞夜忘歸  
主人似中天日萬里無雲一鶴飛

澗草岩花處處開籃輿此日為誰來  
萬年不改青山色一醉何須黃鶴杯

我從積石望飛淙何啻車轟五月江  
白浪都從天際下蒼龍疑向日邊撞

醉別廷搢四首

君去巴渝春正深西堂尊酒且論心無端惱殺關山  
月又送征車過漢岑

三十年前舊辱知春風歸去見襟期即看翠袖擎杯  
處可有相思到鳳池

君家豪爽世無倫咲我因君醉酒頻人世繁華空作  
夢仙源日日自長春

六郎文采各翩翩此去還看思若泉五桂莫須誇實  
氏三秦今已領任淵

許西澤舜臣戲成二絕

許西花發遲君看聞到春眠起尚難紅拂若憐花半

褪倚欄無語抱鳴檀

夜來帶酒強扶頭爲怕春歸乘曙遊何事分司杜夫  
子不憐花意欲含秋

李戶部克中畢賑北還率爾寄別

西土難危勤使車群公咨訪畧郊墟彤庭若問蒼生  
事莫到王克善著書

送虞北山伯俊公甫

太嶽山人訪我來西岩石室酒初開身騎黃鶴欲歸  
去閩海蓬壺何處哉

若歸南嶽見方平爲到匆匆已半生此後倘從金液

事好從雲外聽吹笙

呂子北泉精舍宴集

北泉精舍菊花開節過重陽我始來坐對菊花酬節  
物危樓南眺望登臺

自擬重陽醉此樓不堪詩酒作淹留狂夫老去情逾  
放笑折黃花插蒲頭

去年與客賞重陽痛飲溪亭連日光今日月明情興  
爽何辭三萬六千場

月白花黃酒又清長河恨不入杯傾人間富貴同影  
瓦何物空教誤此生

此生踈曠絕堪嗔遇酒逢花便不馴身外悠悠無  
着曾中的的有陽春

西溪亭子登高

西溪風月羨無邊羸得優游便是仙但使杯中餘濁  
酒何須方外覓長年

主人愛客構新亭坐我呼童泛醪醑一曲鳳蕭雙鶴  
下天風吹浪海溟溟

無端斜日挂丹丘似溺西溪汗漫遊蒲檻黃花香送  
酒却看華麓似瀛洲

園亭四面列青山水竹中分一徑閑佳節既能留我

醉西風隨意拂衰顏

與虞坡子

六年不見虞坡子聞道行邊宿隴中明月澣西秋色  
好可能漫興一乘驄

寄芝山右長史

芝山風致絕堪憐老我當時望若仙秋莫春分盟又  
改石門空掃薜蘿烟

送李封君

迎養閑西樂事長都將豈第送賢郎彤庭咫尺承  
封拜重覩徽猶入建章

邠城回首望岐周百二山河入杜遊一水莫歎秦晉  
隔雙鳥還泛閩壺秋

對山集

卷之七

三

對山集卷之七



